

أنين...

بيسألوني.....؟؟

ليه شعرك تمللي حزين .. ؟

كله هموم كله شجن وأنين

هي الحياه كلها أحزان

ليه عندك للحزن حنين ..؟

ليه تمللي قلبك بالهم

ليه تقطع شريان الدم ..؟

ماتسيبها علي الله ياعم

بكيك من حُرقتي

ونزلت كمان دمعتي

وبقيت زي الأصم

ماحد حاسس بيه

وبقلبي الموجوع

روحي غايبة عليه

والنبض مش مسموع

قالولي روح لطبيب

إشكيله من اللي فيك

بتاع كلام



لعله يلاقي الدوا
اللي بيه يشفيك
رديت بصوت مخنوق
وكأني في كابوس
قلت قادر رب الكون
يسعد كل منحوس
يارب ياللي قدرتك
ما بين الكاف والنون
قادر وغيرك ما يقدر
يارب...ياحنون
تفك كل الكروب
وتمحي كل الذنوب
وتستر...العيوب
وترجع الضحكة لينا
ونحقق...أمانينا
ويرجع النبض في القلوب..

